

宣統三年四月初十日

亥 辛

南洋官報

第一百五十七期

諭旨恭錄

京朝法政

憲政編查館 奏變通各省調查辦法摺 ● 學部 奏議復法律大臣奏法律學堂乙班學員改官辦法摺 ● 軍諮處 奏改訂軍官學堂章程摺 (並單)

兩江奏牘

兩江督院張 咨呈禁烟大臣准江北提督咨送提標河務各員表册結請核辦文 ● 又咨蘇撫院據諮議局議決興辦貧民勸工所一案文 ● 又札甯蘇兩藩司據中國積聚興業公司總理徐道稟懇飭拏辦假借公司名目運米出洋一案文 ● 又札江甯調查局調查陸軍財政局准部咨變通統計辦法奏奉 諭旨文 (附奏片) ● 又札委江蘇候補道吳道學廉前往皖北鳳穎等屬查勘水勢文 ● 又批高郵州稟海州饑民與鄉民互毆致斃驗訊情形由 ● 又批通州詳稟貢生馮激所著農學等書並履歷清摺請獎由 ● 又批碭山縣稟陳地方情形嚴於捕匪急於救饑由 ● 又批前充混成協督隊官湯玉祥求賞差使由 ● 又批江蘇僧立教育會呈請札飭海州免收延壽院學捐飭革劣役交還贓物放回廟夥由 ● 甯藩司樊 批前泰興縣知縣王肇嵩稟被參冤抑請分別札飭上海泰興二縣切實查復由 ● 甯學司勞 奉督憲札准學部咨游英官費生可否以現在人數作為定額文 (附抄單)



又批監生黃志賢稟隱拋處女預欲納妾有傷風化叩求札飭阻止由●又批宿遷法政畢業附生蔡朝臣等稟公叩維持學界選舉公權查章迅飭恪遵由●又批阜甯法政講習所畢業生唐景新稟請咨明法政學堂由●又批准安府屬屬優廩生田壽春等稟懇恩變通提考歲貢給予出身由●甯屬清理財政局 批句容縣教育會長駱文鳳張長華稟縣視學王厚滋宣統二年經手學款又任情吞沒叩求電核由●江南財政公所 咨上海道等處徐滬船廠等處支應報銷應歸本公所接收辦理文●江南籌辦地方自治總局 詳督憲奉札宣統二年應行籌備自治事宜遵將本局主管城鎮鄉暨廳州縣自治並調查人戶總數各情形詳復鑒核彙奏文●又批寶應縣申請研究自治章程應如何用人辦事由●又批海州申第三區板浦鎮自治事宜請迅賜示遵由●又批泰州詳學員練達等稟港口鎮惟心庵設立事務所簡章錄摺詳乞立案由●又復泰州姜堰自治事務分所函●前署江西德化縣已革知州華桐稟督憲訊斷陶祠爭基一案並未操切被參冤抑文●署興化縣陳令廷英開辦勸業公所演說

## 法學雜記

檢驗新知識 (續第一百五十六期)

## 藝文存略

宿下關大觀樓晚望●江上縱眺過采石磯作●江行春望●宿九江湖海樓

諭旨恭錄

四月初三日

監國攝政王鈐章奉

上諭山東濟東泰武臨道員缺著熙臣補授欽此 軍機大臣署名

初六日

監國攝政王鈐章奉

上諭近來國家財政竭蹶由於幣制不一民生困苦由於實業不興朝廷洞鑒於此不得已飭部特借英美德法四國銀行一千萬鎊日本橫濱銀行一千萬元專備改定幣制振興實業以及推廣鐵路之用該管衙門自應竭力慎節不得移作別用並著隨時造具表冊呈覽以副朝廷實事求是之意欽此

上諭游擊銜都司陸軍第一鎮步三標統帶官蕭良臣著派充暫編陸軍第二十五協統領官並賞給陸軍協都統銜欽此

上諭此次驗看之學部考驗游學畢業生鍾世銘著賞給法政科進士汪熾芝李慶芳張恩綬陳模蹇先驄均著賞給法政科舉人余煥東李景鎬徐家瑞唐文晉均著賞給工科舉人欽此 軍機大臣署名



初七日

監國攝政王鈐章奉

上諭奉天勸業道著蕭應椿調補趙鴻猷著調補安徽勸業道奉天興鳳道著俞明頤調補趙臣翼著  
調補江西吉南贛甯道欽此

上諭趙爾巽奏已故大員功績昭著懇恩賞還官職照例議卹一摺副都統銜已革廣西巡撫史念祖  
曾任封圻著有勞績著加恩開復原官照副都統例議卹該部知道欽此 軍機大臣署名

憲政編查館 奏變通各省調查辦法摺

奏爲變通各省調查辦法以節經費而裨統計恭摺仰祈 聖鑒事光緒三十三年九月十六日臣館

具奏開辦編制統計二局事宜奉 旨著每省設立調查局一所由該管督撫遴選委員按照奏定

章程切實經理隨時將調查各件咨報該館等因欽此當經臣館通行遵照在案各省自設局開辦以來

按照章程分設法制統計兩科法制事宜專爲調查民情風俗法規利弊果能詳晰造報廣續尙不甚繁

統計一項月異而歲不同非有常設機關不能按年編製各省試辦之初極形困難節經臣館電牘交馳

並將各種統計表式陸續頒發遇有報告舛漏之處迭經駁復至今各省送到表冊漸臻詳贍然尙不免

間有缺誤但於事實有一不全統計卽爲不備現據資政院上年議決宣統三年豫算將調查局經費全

數議裁經直隸浙江奉天各督撫臣先後電詢辦法並先據陝西巡撫咨稱統計事項併歸各署自行辦

理前來查統計辦法臣館以各部爲依據各部以各省爲張本而各省調查局之造報則悉以各署局所

爲根源是以臣館原奏聲明京外衙門均須設立一統計處若各省衙署局所不能詳晰造報則調查局

無從核辦而各部及臣館則亦無以爲編製完全統計之據值此財政支絀凡有可以節省經費之處自

當竭力籌維惟各省調查局縱可議裁而調查事宜爲憲政要端刻甫辦有端倪斷難中輟臣等再三核

議擬將調查局內所有法制事宜併歸各該督撫會議廳參事科辦理統計尤關重要卽依原奏在各督

撫衙門設立專處以爲彙核全省統計之地定爲常設機關仍遵前奉 諭旨切實經理每屆上年

統計表册限於次年六月以前咨送到部由部彙編送館覆核以備編成年鑑似此變通辦理庶於樽節

經費之中不失專任責成之意憲政財政兩有裨益如蒙 俞允卽由臣館咨行遵辦所有變通各省

調查辦法緣由理合恭摺具陳伏乞 皇上聖鑒謹 奏宣統三年三月十五日奉 旨已錄

學部 奏議覆法律大臣奏法律學堂乙班學員改官辦法摺

奏爲遵 旨議覆恭摺會陳仰祈 聖鑒事上年十二月二十四日准軍機處片交欽奉 諭旨

管理法律學堂事務大臣沈家本奏法律學堂乙班學員畢業酌擬改官辦法一摺著該部議奏欽此原

奏內稱法律學堂乙班學員改官辦法前經憲政編查館法部具奏均奉 旨依議欽此兩奏所稱免

第一次考試辦法大致相同惟憲政編查館原奏於八品以下及未有官職者則曰學習於原官在七品

以上者則曰改用因文見義改用二字似是就併免第二次考試而言又所謂法部查照學部原奏以相

當司法官改用與甲班一律辦理查學部奏給甲班學員獎勵本係按照原官請獎是以法部酌擬甲班

改用辦法卽由各員既得之獎勵從而改用相當之法官至於嗣後畢業學員學部已聲明不再照原官

請獎則對於乙班所謂以相當司法官改用者自係就其原有底官而言甲有陞階乙無陞階此中已相

逕庭而於八品以下及未有官職者業許其免應第一次考試驟陞爲七品實官是曾無按官給獎之明

文而已受獎予陞階之實惠若七品以上人員但就原官改用是卽較諸同班亦茲枯各異查憲政編查

館奏請頒布法院編制法以此項畢業學員爲司法官之正格我國風氣願爲行政官者多願爲司法官

文而已受獎予陞階之實惠若七品以上人員但就原官改用是即較諸同班亦蒞枯各異查憲政編查館奏請頒布法院編制法以此項畢業學員爲司法官之正格我國風氣願爲行政官者多願爲司法官者少使非於已成之才多方誘掖恐司法前途終無發達之可期擬請將乙班畢業考試及格各員除給予副貢出身外其原有官職在七品以上考列最優等優等者各就原官應陞之品級專以相當之司法官改用考列中等者按照原官改用甲班改用法官並免第二次考試乙班事同一律擬請并免第二次考試仍按各員畢業考試等第分別獎以應陞之品級查照法部酌擬甲班改用辦法循案辦理等語臣等查憲政編查館議覆御史石鏡潢摺內開將來各項考試任用章程實行之後凡屬官吏必經考試而後任用新章一行舊制立廢從未聞有以格於新章未獲舊日之優獎致歎向隅者該御史所請該學堂乙班畢業比照甲班請獎應毋庸議至法官考試實行伊始合格者少未足以應急需而京師法律學堂畢業所試科目較之法官考試爲多則及格人員凡八品以下及未有官職者均可免應第一次考試由法部分發各廳學習其原有官職在七品以上者仍由法部查照學部原奏以相當之司法官改用與甲班畢業生一律辦理等語是法律學堂乙班畢業不得再行比照甲班辦理憲政編查館原奏中早已切實聲明至於原官在七品以上者應照學部原奏以相當之司法官改用與甲班畢業生一律辦理一節細繹原奏之意改用二字係別於無職人員之分發而言並非有免其學習之意與甲班畢業生一律辦理一語又係就改用辦法而言更無免第二次考試之意蓋學部甲班畢業請獎原奏祇云應由法部查照法官考試任用等項章程分別改用相當之司法官并無免應第二次考試之語甲班之得免第二次



考試係其後法部所奏准當憲政編查館具奏之際既未與法部會商且明言查照學部原奏而不曰查照此次法部所擬改官辦法則於七品以上人員并不能免第二次考試較然可知况法部所奏甲班畢業免第二次考試乙班畢業並不得免第一次考試未免相去懸殊擬請乙班畢業考列中等以上者以經第一次考試合格論較之甲班并免第二次考試已不爲優等語既與憲政編查館所奏各節同日奉旨依議欽此則現在乙班畢業自當依據法部原奏中確有界限之條文爲斷不當引申憲政編查館原奏中改用二字而謂並免第二次考試也至於甲有陞階乙無陞階此中已相逕庭一節查各學堂獎勵章程於有原官者概無陞階惟仕學館章程於最優等保獎應升之階而該學堂之甲班學生於光緒三十一年經前學務大臣議准比照仕學館獎勵章程辦理宣統元年該大臣又奏明畢業考試後應照仕學館章程辦理以符原案奉旨依議欽此是以學部欽遵歷次諭旨特爲變通凡甲班之

考列最優等優等者一律照仕學館章程保獎陞階至該學堂乙班學生則學部於上年五月卽經奏明除獎給副貢出身外不再照原官請獎奉旨允准在案是甲乙二班畢業時期不同奏案各異豈能

復援甲班之優獎而以乙班爲向隅又八品以下驟升七品七品以上若但就原官改用亦菴枯各異一節查學堂畢業之授以實官者意在使該生等將所學施之實用仍係爲事擇人起見並非如他項勞績之保獎以官階爲修學之酬報也該學堂各生七品以上與八品以下者既係同堂畢業則成績自屬相

同勢不能復以底官之大小而盡予以殊兩悉解之升階且從前科舉釋褐及現在遊學生等試錄用於無職人員至少皆得七品實官而有原官就本班者皆不得稍進升階此制行之已數百年並無謬其

同勢不能復以底官之大小而盡予以殊兩悉稱之升階且從前科舉舉及現在游學生 廷試錄用於無職人員至少皆得七品實官而有原官就本班者皆不得稍進升階此制行之已數百年並無議其菀枯之各異者則該學堂七品以上畢業各員不得升階亦未可獨謂向隅矣該大臣所稱乙班畢業考試及格各員其原有官職在七品以上考列最優等優等者各就原官應陞之品級改用司法官暨中等以上均併免第二次考試各節均係比照甲班舊章之辦法查與學部法部奏准之新章不符即按之憲政編查館原奏之意亦屬未合實難准如所請辦理惟現在司法人員尙不敷用該學堂乙班畢業各員其考列最優等優等者成績尙優則於改就法官者不妨稍示優異臣等公同商酌凡原官在七品以上考列最優等優等各員經第二次考試合格後准其以比原官陞一級之法官補用餘悉照上年八月初五日法部附奏乙班畢業辦法辦理毋庸再事紛更如蒙 俞允卽由法部欽遵辦理所有遵 旨議覆緣由謹恭摺會陳伏乞 皇上聖鑒再此摺係學部主稿會同法部具奏法部左侍郎臣沈家本係原奏大臣是以未經列銜合併聲明謹 奏宣統三年三月十五日奉 旨依議欽此

軍諮處 奏改訂軍官學堂章程摺

奏爲改訂軍官學堂章程恭摺具陳仰祈 聖鑒事竊陸軍軍官學堂經臣等於宣統元年十二月間奏明由臣處直接管轄奉 旨允准欽遵辦理在案臣處自接收軍官學堂以來於該堂舊日規模量爲擴充其一切應行改良之處亦隨時悉心妥籌飭令該堂人員切實辦理惟查該堂原爲籌辦陸軍大學堂基礎名爲軍官學堂似於設學本意尙有未符且與陸軍部所設之兵官學堂名目亦嫌相混臣等

公同商酌擬改該堂爲陸軍預備大學堂以示區別而符名實復將該堂所有章程課程等類重加修改以儲高等將領之材而爲將來陸軍大學之基礎一俟兵官學堂各項專門學堂學生畢業堪充陸軍大學堂學員之時再行奏明改爲正式之陸軍大學堂庶可循序遞進以免徒尙虛名而無實際之弊又該堂從前學員畢業係由臣處派員考試後會同陸軍部奏請分別給予各該員獎勵歷經辦理在案查臣處測繪學堂畢業會奏請 欽派大臣蒞堂考試給予舉人貢生等出身軍官學堂爲造就高等將材之地自較測繪學堂尤爲重要擬請仿照辦理嗣後該堂畢業時由臣處奏請 欽派大臣前往考試並給予出身以資鼓勵謹將改訂該堂章程繕單恭呈 御覽所有擬請改訂軍官學堂章程緣由是  
否有當謹恭摺具陳伏乞 皇上聖鑒訓示謹 奏宣統三年三月初二日奉 旨依議欽此

### 改訂軍官學堂章程清單

教育總綱 一陸軍預備大學堂爲造就高級軍官總匯之所以立陸軍大學堂之基礎 一學員以品學超卓才識優異充當軍官已能稱職者爲合格教以高等兵學行軍奧義務期各科統匯融貫淹通調度指揮機宜悉協俾足膺上級參謀之選以蔚成他日將帥之材 一學員既以遠大相期則師資必屬高明之士各科教員務求上乘必須專門學堂暨陸軍大學堂曾經畢業而又確有實驗者方與斯選 一兼教海軍暨國際法等學蓋各國陸軍大學堂均置此兩項教員其海口形勢之要領內政外交之關

建無不詳析分教良以海陸兼通始無遺策公法明習乃占先機茲特仿行一併講授此外仍設圖書漢



陸軍部奏定章程辦理 各項職掌 一學堂編制 總辦一員 副官一員 高等兵學教員四員 砲工兵學教員二員 海軍教員一員 國際法教員一員 馬術教員二員 衛生學教員一員 馬學教員一員 助教長一員 助教員三員 編輯員二員 繙譯員二員 繪圖官三員 一等書記官一員 三等書記官一員 收支委員一員 收支司事一員 印書員一員 模範館司事一員 軍醫一員 馬醫一員 管馬司事二名 司書生七名 謄寫匠三名 裝訂工匠四名 石印匠目一名 石印工匠十二名 差弁四名 馬弁四名 馬夫目四名 馬夫三十五名 夫役六十五名 馬騾七十二匹 大車二輛 各員職掌 一總辦綜理全堂事務節制各員司凡稽查教員考核功課約束學員申明條教等事細心籌畫遇有應行改正事宜隨時稟承軍諮處辦理 一副官有管理堂內庶務之責凡置備服物檢查庫儲整理房舍伙食並圖書模範兩館事宜及指揮夫役一切雜務均承總辦次第辦理並商承助教長兼辦助教事宜 一各教員承總辦之命令分訂課程必須詳細且各任本科教授務盡職司 一助教長稟承總辦協同各教員統率各助教編輯繙譯各員整理教務考核學員成績並有稽查及督飭學員之責 一助教員協同教員分教課程辦理稽查及督飭學員事務 一總辦副官兵學教員及助教長助教等均作為參謀人員 一編輯員有編輯及修理各種功課之責 一繙譯員協同各教員繙譯功課 一書記官掌管案卷承辦文牘兼經理功課並督飭司書生繕寫等



事 一收支委員稟承總辦掌管全堂收支並經理一切什物 一印書員督飭謄寫石印等工匠辦理  
印書之事 一軍醫專司醫治學員及各員司疾病考查藥材并食物等事 一管馬司事管理馬匹餵  
養並馬具保存等事 學規課程 一學員暫由京外各軍隊及本國武備學堂畢業或東西各國士官  
學校畢業內中等次等軍官內挑選額數以一百至一百二十名爲度均先試以漢文基本圖上各戰法  
軍制軍器溝壘交通地形各術代數幾何三角各算數者須查其品行純正才能優異始准入堂肄業除  
以上各學科外能通外國語言者更爲合格 一每日教授時刻及暑假年假除由總辦按照定章隨時  
酌定外倘無重要事故不准任便請假致有曠廢 一學員入堂仍留原職原薪不領公費在堂時遇有  
應升官職仍許酌量推升但須畢業後始准任職 一學員本屬軍官皆知恪遵規則敦上品行設或前  
後異轍始勤終怠遇有故犯過失及品行不端者由總辦稟明軍諮處分別輕重令其退學或開去原職  
毋得瞻徇 一野外戰術實施及參謀旅行係赴野外實地考究每年舉行一次以二星期至三星期爲  
度 一課程績累皆須考試約分三等曰尋常考期考畢業考其考法約分三類曰問答曰筆答曰命題  
皆參考成績平均分數而畢業中最要之事則爲參謀旅行屆時由總辦稟請遴派軍諮處人員率同旅  
行詳細查考明定等差並請軍諮處堂官奏請 欽派大臣蒞堂考試面授畢業文憑 一考列上中  
等學員由陸軍部帶領引 見請 旨補授軍官給予出身考列上等各員作爲舉人請投各兵科

正軍校考列中等各員作爲舉人請投各兵科副軍校其所考等第與原有之軍官品秩相當或官階較

大者除給予舉人出身外並以應升之階記名 一學員考取入堂後均以三年畢業所學課程名目分期詳細備載於左 第一期課程 各國歷史 各國地理 衛生學 馬學 教育軍隊法 各隊戰法 軍制學 軍器學 築壘學 交通學 語學 混成協標圖上戰法 就地講演戰法 野外戰術實施 指揮各種隊伍法 馬術 第二期課程 陸軍經理 軍政 戰史 混成一協圖上戰法 一鎮圖上戰法 兵棋 野外講演戰法 參謀旅行 出師計畫 輜重勤務 兵站勤務 輸送學 地形偵察 兵要地理 要塞戰法 海戰要略 戰略學 教育軍隊法 國法學 語學 馬術 第三期課程 野操計畫 秋操計畫 出師計畫 作戰計畫 兵站勤務 創設軍隊計畫 戰畧學 戰史 一鎮及一軍圖上戰法 運用國軍法 海戰要略 兵要地理 教授兵棋法 參謀旅行 要塞戰法 各隊新戰法 指揮各隊伍法 國際法 馬術 各項經費 一額支項下 總辦一員月支薪水銀四百兩 副官一員月支薪水銀一百兩 高等兵學教員二員每員月支薪水銀三百五十兩 砲工兵學教員二員每員月支薪水銀二百五十兩 海軍教員一員月支薪水銀八十兩 國際法教員一員月支薪水銀八十兩 馬術教員二員每員月支薪水銀八十兩 衛生學教員一員月支薪水銀五十兩 馬學教員一員月支薪水銀四十兩 助教長一員月支薪水銀一百二十兩 助教員二員每員月支薪水銀一百兩 編輯員二員每員月支薪水銀八十兩 繙譯員二員每員月支薪水銀八十兩 繪圖官三員每員月支薪水銀二十五兩 一等書記官一員月支薪水銀

南洋五日官報  
六十兩 三等書記官一員月支薪水銀三十兩 收支委員一員月支薪水銀四十兩 收支司事一員月支薪水銀十六兩 印書員一員月支薪水銀二十兩 模範館司事一員月支薪水銀十六兩 軍醫一員月支薪水銀三十兩 馬醫一員月支薪水銀三十兩 管馬司事二名每名月支薪水銀十八兩 司書生七名每名月支薪水銀十二兩 謄寫匠三名每名月支薪水銀十兩 裝訂工匠四名每名月支工食銀九兩 石印匠目一名月支工食銀十六兩 石印工匠十二名每名月支工食銀九兩 差弁四名每名月支工食銀六兩 馬弁四名每名月支工食銀八兩 馬夫目四名每名月支工食銀四兩五錢 馬夫三十五名每名月支工食銀三兩三錢 夫役六十五名每名月支工食銀三兩三錢 騾馬餵養費月支銀三百六十兩 以上每年約需銀五萬六千八百九十二兩 一活支項下伙食每年約需銀五千七百兩 隨時應添新書圖誌等費每年約需銀三百六十兩 文具費每年約需銀八百兩 刷印費每年約需銀一千二百兩 醫藥並雜項每年約需銀二千三百兩 修理馬具每年約需銀三百六十兩 參謀旅行費每年約需銀四千兩 洋員房租費每年約需銀一千五百兩 以上每年約需銀一萬六千二百二十兩 每年額支活支共約需銀七萬三千一百一十二兩



兩江奏牘

兩江督院張 咨呈禁烟大臣准江北提督咨送提標河務各員表冊結請核辦文

咨呈事據署理江北提督段咨據江北禁烟公所詳送宣統二年七月初一日起至九月底止查驗文武官員銜名表冊結仰祈核咨等情除將陸軍巡防各營隊江北各局所已驗未驗各員表冊結咨送外所有提標河務各員表冊結三項咨請核辦等因到本督院准此相應將表冊蓋印連同切保結一併咨送爲此咨呈貴大臣謹請察核施行

兩江督院張 咨蘇撫院據諮議局議決興辦貧民勸工所一案文

咨明事宣統三年二月二十一日據江蘇諮議局呈稱奉撫院劄行諮詢興辦貧民勸工所及以工代賑案一件茲於本屆臨時會期內二月十八日議決以責成北方官紳就地籌款南方官紳籌撥協助先由南方各廳州縣自治會決議報告再由本局彙核協議申復等由到本督院據此查興辦工藝以工代賑兩節關係地方治安既經諮議局議決北方官紳就地籌款南方協助自應照辦除劄復並分行甯蘇各司道自治局蘇州農工商局督飭各廳州縣會同自治會員一體遵照辦理外相應咨明爲此合咨貴撫院請煩查照施行再此案已據聲明並呈水案所有原呈清單勿庸重錄合併咨明

兩江督院張 札甯蘇兩藩司據中國積聚興業公司總理徐道稟懇飭拏辦假借公司名目運米出洋一案文



札飭事據中國積聚興業公司總理徐道銳稟稱竊職道前以商務之振興非提倡實業不足挽回利權而占優勝因聯合外洋華僑內地紳富仿泰西集會代股成法創辦中國積聚興業公司先後稟蒙憲台批准開辦各在案伏查敝公司原以積聚興業爲宗旨故凡商務繁盛之區均延請殷商代爲經理並將集會應辦事宜訂立合同彼此遵守約內聲明各埠經理倘於合同之外自謀商業所有盈虧應歸該經理個人担任與公司無涉亦不得借公司名目假公濟私等語開辦以來中外翕然並無異議乃昨閱三月初四日上海新聞報載有在杭甬人宓某等假借中國積聚興業公司名目販米至南洋等語殊深駭異查販米出洋顯于例禁敝公司奉公守法豈肯作無益以害有益之事若不認真澈查嚴究不特於公司名譽攸關而地方民食亦大有妨礙除登報辯正外用特瀝情籲請憲台飭屬嚴密查拿冒名勾串運米出洋之人盡法懲辦以重民食而維正業等情到本督院據此當批該公司爲中國積聚興業而設既圖公益尤重名譽豈有販米出洋之理如果不法之徒胆敢冒名私運殊屬藐玩候分行甯蘇兩藩司移行查拏假冒之人訊明究辦以重民食而維正業仰卽知照繳除印發并分行外合就札飭札到該司卽便遵照辦理毋違

兩江督院張

札江甯調查局調查陸軍財政局准部咨變通統計辦法奏奉

諭旨文 (附

奏片)

奉 旨知道了欽此相應恭錄

諭旨刷印原奏咨行欽遵查照可也等因到本督院准此合就抄

單札行札到該局即便查照此札

再前次酌擬陸軍部暫行官制提綱表內載舊設之財政統計兩處裁撤各該處一切事宜歸入新設之審計處辦理業經奏准遵行現經臣等將各司處一切詳細章程妥慎籌商於應行歸入審計處之統計一項尙宜稍事變通緣軍事統計最爲繁曠從前遵 旨設立該處之始因內外機關不備未

能將一切軍事概行括入年鑑之中故先從軍費入手現在軍費鉅款已經列入預算無庸藉統計以資調查所有上年送到表冊擬即暫行停止辦理免滋重複此後各司處責任既專應由臣等督飭各司處人員將有關軍事統計之件分別列表歸入承政司彙總辦理庶統計一處既可裁撤並不必歸入審計處內而統計事件仍無貽誤尤爲簡便易行矣所有變通統計辦法緣由謹附片具陳伏乞

聖鑒謹 奏

兩江督院張 札委江蘇候補道吳道學廉前往皖北鳳穎等屬查勘水勢文

札委事照得皖北一帶地方上年被水成災迭經安撫院會同本督院籌辦振撫茲據李道宗棠自皖回甯面稟鳳穎等屬水勢仍大迄今未消數百里一片汪洋幾成澤國聞之深堪憫惻亟應派員前往查復以憑會商安撫院核辦合就札委札到該員即便遵照刻日前往皖北鳳穎等屬詳細勘查究竟水勢情形如何自某屬起至某屬止約計被水區域若干刻日稟復察奪該員應支川費卽赴財政公所照章請

南洋五口官報  
領母違

兩江督院張 批揚州府詳高郵州廩貢生周蘭墀等稟曹鳳曦因案牽涉公叩昭雪由

據詳及清摺均悉曹鳳曦前經淮揚道訪聞爲一州訟棍魁首茲復經該府飭據委員訪查明確又據州申送臚列曹鳳曦被控控人各案有十起之多類皆事不干己唆訟稱扛誠如來詳所云積慣訟棍實屬毫無疑義况曹鳳曦平日藉充評議參事等員以及學堂校長諸務投票百餘人全由運動而來無非假公益爲名得以陰行其武斷鄉曲之實居心險詐尤屬行同鬼蜮若不及早懲辦勢將貽害無窮仍仰蘇提法司迅飭揚州府及高郵州遵照先今批示將積慣訟棍曹鳳曦卽鳳宜從嚴擬辦稟由該司詳候核奪並錄報撫院暨候批示繳清摺存

兩江督院張 批高郵州稟海州饑民與鄉民互毆致斃驗訊情形由

據稟已悉徐海等屬上年被水迭經撥款撫恤飭令地方有司禁止災民出境乃海州饑民仍復結隊外出實屬狃於積習此次前往該州東鄉一帶強索滋擾與土民互毆各有損傷以致土人于海仙因傷斃命尤爲蠻橫既因饑民朱寶柱奪取稻草銀飾首先拒毆起衅該犯已於受傷後因病身死應否卽以朱寶柱當其重罪將訊無稱同搶毆之頭目何貫章等遞籍管束之處仰蘇提法司核明具復飭遵其餘饑民既經資遣回籍仍飭嗣後如有續到者務當迅速妥爲遣送勿任再滋事端爲要一面將驗訊情形填

格通詳察核並候札行甯藩司查照暨候撫院批示繳

兩江督院張 批通州詳廩貢生馮澂所著農學等書並履歷清摺請奏獎由



民既經資遣回籍仍飭嗣後如有續到者務當迅速妥爲遣送勿任再滋事端爲要一面將原請情形  
格通詳察核並候札行甯藩司查照暨候撫院批示繳

兩江督院張 批通州詳陳貢生馮澂所著農學等書並履歷清摺請奏獎由

據詳已悉所送該州廩貢生馮澂所著農學通釋文集等書及履歷清摺具見學有本原兼明新理應如  
何給獎之處仰甯學司核議詳辦仍先飭該州傳諭該生知照書集清摺並發仍繳

兩江督院張 批碭山縣稟陳地方情形嚴於捕匪急於救饑由

捕盜賑饑均屬地方要務惟來稟聲叙夾雜眉目不清以弭盜歸於聯莊而無切實辦法以救荒歸於賑  
糶而亦無籌辦情形敷衍浮文無當也仰甯藩司會同蘇提法司飭將此兩事認真辦理分稟察核務求  
實濟毋稍粉飾爲要仍候撫院江北提台批示繳

兩江督院張 批前充混成協督隊官湯玉祥求賞差使由

混成協裁併之時官佐目兵均經第九鎮挑補缺額該員如果材堪器使何至獨抱向隅現稟指差求委  
實屬不合仰督練公所參議官轉飭遵照稟抄發

兩江督院張 批江蘇僧立教育會呈請札飭海州免收延壽院學捐飭革劣役交還贓物放回廟

夥由

昨據該會電稟以海州僧所長平譯被毆一案該僧帶傷來會初一夜暴亡臨殮遍體傷等語當因電詞  
含糊電飭提法司轉飭該管地方官查明實情照例辦理在案據呈前情如果州差徐金等因催收學捐  
輒行率衆擱途毆僧奪物致釀人命殊屬兇橫惟平譯受傷以及身死會否請官相驗來呈及電稟均未



聲叙亦屬含混究係如何情形仰蘇提法司卽飭海州確切查明迅提被告差役及傳集一千人証質訊明確據實詳辦勿稍瞻徇並由司備移甯學司查照呈及粘單均抄發

甯藩司樊 批前泰興縣知縣王肇嵩稟被參冤抑請分別札飭上海泰興二縣切實查復由

據稟已悉前次泰興士紳稟陳該員政績已奉督憲明切批示自應遵照至南誠信烟館開早倒閉當時股東有無該員在內此時亦無確據惟該員既不甘服仰候札行上海縣查取切實憑證稟復核辦可也  
繳

甯學司勞 奉督憲札准學部咨游英官費生可否以現在人數作爲定額文（附抄單）

札飭事宜統三年三月初四日准學部咨專門司案呈准使英大臣劉咨開准駐英游學生監督錢文選呈稱竊查各省官費游學生額數曾於光緒三十四年經學部奏准以現有人數作爲定額惟各省間有因經費支絀遇有缺額卽行裁去亦有必須若干缺額方准頂補一人者此間自費生中家寒無力者多每遇本省有官費缺額莫不引領屬目爭望頂補甚有援引奏案紛紛詰責難以理喻且自費生來英時往往百方告貸勉強成行原期考入大學得補官費以遂求學之願卽無缺額尙有疊次請逾格成全者今以原有額缺遽行裁去羣情缺望殊難折服況內地各專門大學尙未設立勢亦不得留學外洋以爲蓄艾其自費生考入大學者程度已高皆係可造之才再加以數年培植所學必能致用當此需才孔亟雖財力艱難惟此數名學費將來收效甚宏似不宜惜擬請憲台咨商學部申明舊章卽以原有之官

費學額作爲定額此項學費并請學部奏明准作正項開支等情本大臣查各省官費游學生額以現有

亟雖財力艱難惟此數名學費將來收效甚宏似不宜惜擬請憲台咨商學部申明舊章卽以原有之官費學額作爲定額此係派遣游學日本章程茲該監督援案請將游英官費學生額一律辦理係爲廣造人才起見相應黏附清單咨請查照辦理并祈見覆等因前來查游英官費學生可否以現在人數作爲定額應由原送省分各就本省財力酌度情形咨覆本部以憑彙核除咨覆使英大臣外相應黏抄原單咨行貴督查照見覆可也黏單一紙等因到本督院准此除行甯藩學司外合就抄單札行札到該司卽便遵照會同酌議詳復以憑核咨勿違

各省派遣赴英游學官費實數額清單

省分

人數

每年學費共數

奉天

五

九百六十磅

直隸

六

一千一百五十二磅

山東

四

七百六十八磅

山西

廿三

四千四百十六磅

江甯

十八

內一人每月十磅

三千三百八十四磅

江蘇

四

七百六十八磅

安徽

十三

內一人半費

二千四百磅

江西

二均津貼

四百元  
一百零五磅

福建

三

五百七十六磅

浙江

八

一千五百三十六磅

湖南

三  
內一人  
半費

四百八十磅

湖北

三

五百七十六磅

四川

四

七百六十八磅

廣東

八

一千五百三十六磅

廣西

二

三百八十四磅

查以上十五省官費人數皆係現在實數缺額擬請自宣統三年起即以現有之額作為定額

甯學司勞 批監生黃志賢稟隱拋處女預欲納妾有傷風化叩求札飭阻止由

婚姻案件與學務無涉不應在本司呈稟應立案不行惟據稱趙本善現充兩淮中學堂教員有在學堂成婚之說殊屬離奇究竟有無其事姑候札飭該堂監督查復察奪此批

甯學司勞 批宿遷法政畢業附生蔡朝臣等稟公叩維持學界選舉公權查章迅飭恪遵由

現據宿遷縣詳當以前奉學部改訂勸學所章程內開勸學所設勸學員長一人並設勸學員由該管長

官就本管合格士紳保選若干員開具履歷清單申請呈學使派充並報部立案等語此飭該縣查照新



官就本藩合格士紳保選若干員開具履歷清單申請提學使派充並報部立案等語此飭該縣查照新章選送以憑核辦在案據稟前情仰宿遷縣遵照前批按照新章所定資格秉公選送以杜口實此批

甯學司勞 批阜甯法政講習所畢業生唐景新稟請咨明法政學堂由

前據阜甯縣申送該縣法政講習所畢業文憑請照前案辦理經批示於部定新章不合復據照章申送憑價請領文憑前來正在核發據稟前情仰候咨明兩江法政學堂准予收考如果合格取錄別科肄業仍候本司文憑發到時補呈該堂核驗可也此批

甯學司勞 批准安府屬優廩生田壽春等稟懇恩變通提考歲貢給予出身由

查廩生應出歲貢定章於壬子年考優後一律停止現准照原定額數倍取已屬體恤寒畯格外疏通今該生等自行計算挨次序補均在壬子年後則已逾定限無從通融所請變通提考之處碍難照准此批甯屬清理財政局 批句容縣教育會長駱文鳳張長華稟縣視學王厚滋宣統二年經手學款又任情吞沒叩求電核由

查此案前據稟控即經批示並移請提學司遴委幹員馳往會縣確查復局查攷迄今未准復到據稟前情姑候再行移請提學司委員會縣澈查如果實有吞沒情事亟應如數追繳照例懲辦否則亦應反坐以儆效尤仍將辦理情形復局察核此批

江南財政公所 咨上海道等處徐滬船廠等處支應報銷應歸本公所接收辦理文

咨會事本年二月初二日奉督憲張札開據江蘇防營支應報銷處詳稱竊奉憲台批本處詳請徐滬等



處防營報銷援照蘇州詳定章程改由各該處自行辦理並將原設金陵防營報銷處截至年終裁撤以資撙節伏乞示遵緣由奉批江蘇防營報銷處本議裁併調查陸軍財政局嗣據前財政局詳復未便是以仍舊今該處既遵撫院札飭裁撤自應照辦惟徐滬及船廠報銷應否照前議改歸調查陸軍財政局辦理抑直接清理財政局送部核銷應即議定詳奪以憑咨行仰即遵照仍候撫院批示繳等因到處奉此伏查本處承辦徐蘇滬防營報銷歷有年所本未便遽議裁撤今因蘇州直接清理財政局是以請將徐滬等處一律援照辦理若議裁併則蘇州似應歸江蘇度支公所徐滬及船廠似應歸江南財政公所分別造報既無越俎之嫌復省開支之費較之歸併調查陸軍財政局名實尙覺相符是否有當理合具文詳復仰祈鑒核俯賜批示祇遵等情到本督院據此當批查蘇州防營支款原案聲明已由清理財政局報部核銷毋庸再議其徐滬船廠等處報銷應即歸併江南財政公所辦理仰候分行遵照繳除印發並分行外合就札行札所即便移行遵照辦理毋違等因奉此查防營支應報銷處係承辦蘇省及徐滬船廠等處報銷現奉撫憲札飭蘇省防營支款改由蘇州清理財政局造銷仍有徐滬船廠等處應辦報銷事宜奉督憲批飭併歸江南財政公所自應遵照接收辦理具文呈報在案茲奉前因除另行咨會蘇州藩司及分移各處外相應備文咨會爲此合咨貴口請煩查照希將此後文牘冊籍仍循向章分別移送以憑核辦望切施行

江南籌辦地方自治總局

詳督憲奉札宣統二年應行籌備自治事宜遵將本局主管城鎮鄉暨

江南籌辦地方自治總局 詳督憲奉札宣統二年應行籌備自治事宜遵將本局主管城鎮鄉

廳州縣自治並調查人戶總數各情形詳復鑒核彙奏文

詳復事奉憲台札開宣統二年各直省應行籌備事宜計共九事飭將籌備情形有無成績可言各就主管事項詳切臚陳以憑屆期彙奏一案等因奉此查本年籌備事項內續辦城鎮鄉自治籌辦廳州縣自治及彙報各處人戶總數均係本局主管事項其續辦城鎮鄉自治一項遵查部章本年爲攷核繁盛城鎮辦理議事會董事會成績之期前經擬定通州上元江甯銅山江都甘泉六處爲繁盛城鎮詳請飭遵辦理並迭次嚴札各屬迅速籌辦各在案截至去年年底僅通州上元江甯三處城自治趕辦成立節報有案至銅山江都甘泉三屬疊經催督卒未能應期成立究因何事遲滯亦未據明白聲復其籌辦廳州縣自治一項遵查部章各省首縣應於宣統二年將縣自治趕辦成立節經札飭上元江甯兩縣趕辦現亦未能成立究竟進行何若亦未據有呈報其彙報人戶總數一項上元江甯江都甘泉山陽銅山通州海州直隸州首要八屬業於宣統二年列表呈請轉咨在案嗣據各屬陸續呈報到局共計二十六廳州縣現已彙齊核明造具戶數總分表一俟繕就卽行詳請核咨惟清河阜甯兩縣迭經函牘交催迄未報到實屬玩延刻正勒限飭報至接查口數亦經分別札飭遵章查造已有數州縣報到應俟集有成數再行列表彙送以上三端或應期成立或期限已逾除再飭令從速趕辦外所有本局宣統二年辦理城鎮鄉自治廳州縣自治調查人戶總數各項情形理合遵飭具文詳復仰祈憲台鑒核彙奏爲此具由備詳伏乞核奪施行須至詳者

江南籌辦地方自治總局 批寶應縣申請研究自治章程應如何用人辦事由

據申該所研究學員講求有素如議事會之議長議員董事會之總董董事均應遵章選舉卽有未能當選亦屬無可覬覦若該會所設文牘庶務各員應就研究所畢業學員量才器使等情申請批准立案前來該所爲研究生代籌出路并慮及議董事會未能當選欲屈諸生下就文牘庶務諸職用意可謂曲折深厚惟查部章第三十四第六十七等條明載文牘庶務等員由議長副議長董事會遴選派充不限以選民等語而該所辦法不特限於選民且限於由選民而研究畢業之學生與章程顯有牴牾難照准推部章之意正因文牘庶務各有專長深通法理之人未必卽優於文牘庶務之人而議長副議長總董各有責成尤不宜限制其用人之權俾得有所借口是以特加不限於選民一語以廣求才之路該所所陳辦法似尙未能窺見其大應無庸議此批

江南籌辦地方自治總局 批海州申海州第三區板浦鎮自治事宜請迅賜示遵由

據申該州第三區析改鄉鎮前經詳請未奉批回申請迅賜示遵等情前來查此案早經本局批飭該州遵照辦理並登載南洋官報不知該州何故錯誤執稱未奉批示又二月初三日該州來電聲稱第三區調查完竣析改鄉鎮去冬由州詳請立盼電復等語本局以第三區板浦鎮析改鄉鎮既經批示在案該州斷無不知之理電文簡略似於第三區外別有詳請析改之案當卽以未見來詳電復此次閱據來申

始悉該州屢次稟催卽係板浦鎮析改爲鄉一案既經批飭下州無難查悉卽檢卷轉飭該事務分所



江南籌辦地方自治總局 批泰州詳學生練達等稟港口鎮惟心庵設立事務分所簡章錄摺詳  
乞立案由

據詳學生練達等以該州下河三區一帶地方距城較遠稟請設立籌辦自治分所等情轉詳前來查該州姜堰鎮設立籌辦分所早經批准辦理在案此次該生等援案呈請自應准照辦理惟各屬籌辦事務所紳士向例均由公衆開會推舉或由地方官委任方足以昭公道而免流弊該生等以下河三區等地距城窻遠呈請設立分所爲地方公務言之則公其摺內聲明分所職務概由該生等分任則迹近於私該生等品節學問與其急公好義之心固爲本局夙佩但照此辦法勢必各屬起而效尤斷難免於流弊現在該州城自治業經成立本有兼顧鄉鎮之責仰卽飭令兼綜妥籌或將距遠鄉鎮同時設立分所或單設港口鎮一處其分所辦事紳耆或卽由該事務所簡員呈請地方官委任或照從前推舉委任之例均由該州督同城事務所妥商稟候飭遵辦理議定設立分所之處仍遵姜堰成案先行繪呈地圖以免爭執推諉之弊至諮議局議定各捐多因情形不便或素爲勸學所用欸未能實行此次設立分所如查有可捐款項必須詳切指明不得但以遵照議案辦理特捐爲詞致滋流毒仍候詳請批准後方准實行此繳摺暫存

江南籌辦地方自治總局 復泰州姜堰自治事務分所函

泰州姜堰自治事務分所公鑒來函所詢敬復如次 一關稅釐捐爲正稅抑爲間接稅一節此事之誤在以外國通行之法律誤解本國變通之章程查自治章程第十六條第四項年納正稅或本地方公益捐二元以上者得爲選民又於正稅下附註謂正稅係指解部庫司庫支銷之各項租稅而言是部章所謂正稅統凡爲國家財政之收入者言之絕不分別其來源不特不問其爲直接稅間接稅卽中國舊有之正雜名目亦不問也又查宣統二年十一月十七日憲政館覆四川總督電鹽茶課羨油酒糖捐百貨釐稅應均作爲正稅則關稅釐捐之爲正稅尤爲灼然可見諸議局章程解釋彙鈔第六次第十三頁貴處紳民先有一外國辦法橫亘於胸因而致生直接間接之爭執初未細繹本國之條文宜其愈解愈紛矣 一客捐平糶捐及各商所繳之商會捐應否爲公益捐一節來函謂本地紳民以商人所繳商會捐僅屬於商事會社不得爲公益此言殊欠公允公益無所不包而人生所盡之公益只能及其一部況學務所繳教育會捐既認爲公益則商人所繳商會捐自不能不認爲公益也又查憲政館覆四川總督電地方公益捐包括一切無稅之性質之各項捐款而言解釋尤爲明晰與上電全見第六次第十三頁自可無庸爭執至客捐平糶捐未知貴處如何辦法據來函言公益平糶等捐其費皆出於買賣商人與行主無涉如此自不得指爲公益捐而取得選舉權蓋納稅之正接間接雖爲部章所不論而其財是否已出自不能不論若如各地普通辦法於客貨每石每斤下抽收若干由行戶總納雖未嘗無急公尚義之心而慳囊實無一文之費則以納稅爲報酬之選舉資格自不得而及之也

出自不能不論若如各地普通辦法於客貨每石每斤下抽收若干由行戶總辦雖未嘗無急公尚義之心而慳囊實無一文之費則以納稅爲報酬之選舉資格自不得而及之也

前署江西德化縣已革知州華桐稟督憲訊斷陶祠爭基一案並未操切被參冤抑文

敬稟者竊革員籍隸安徽由光緒丁酉科拔貢於二十七年就職直隸州州判指分江西到省試用二十九年經調任廣西撫憲柯以幹練有爲材實可用彙案奏調廣西差委補用三十年蒙保知州因水土不服三十一年請咨回贛復經升任江西撫憲瑞以精勤廉幹曉暢戎機附片奏保仍留江西補用嗣於肅清萍匪案內保准以直隸州知州歸候補班前補用歷充要差均有成績可考宣統元年八月奉委署理九江府德化縣篆維時由義寧州交卸回省未及一年正供工巡局提調差諭知該缺事務繁難紳權最重數年來承乏斯缺之員連遭參劾無一得免辭不受命比奉撫憲馮面諭以該處號稱難治現在巡警禁烟自治舖捐各項新政諸待籌辦且交涉事繁非有識力者不克勝任好自爲之母庸固辭溫諭嘉勉以爲憲恩固甚優厚也到任以後日夕黽勉舉凡一切應辦事宜無不淬厲精神次第畢舉稟報到省多蒙獎勵到任三月卽將前四五任歷年未辦積案二十餘起逐一辦結年終開摺稟報並奉憲台批諭聽斷勤能行司給獎通飭以勵其餘此皆有案可稽并非革員侈陳勞勩惟是德化缺瘠事繁每年虧累約及萬金且士民紳商各挾意見每辦一事必有一事之障礙專主難遷就尤難慄慄危懼深恐在任日久別生事故兩次晉省一次具稟歷陳缺分爲難情形懇請另行遴員接署均未邀准且奉撫憲面諭著俟一年期滿當有特別調劑甘言如醴凡在屬僚允宜矢念弗諉本年三月間有陶靖節裔孫清理祠基稟控張姓佔地一案該案結訟之初係屬尋常細故本不難於判斷緣被告張姓恃有巨紳子弟從中主持



始則延宕繼則逞蠻終以買自黃姓爲辭置諸不理迨黃姓到案堅稱當時委係出典並非杜絕案懸三月各相爭持當時身任地方如果辦事操切執法以繩則名賢祠基關乎祀典黃姓盜賣張姓盜買均可一律按律懲辦或執黃姓改典爲賣之言科張姓以僞契之罪皆是咎有應得乃革員實欲和平解決僅令黃姓加價向張姓贖還屋地俾陶祠餘基可以退還照此判斷並未稍涉抑勒當時兩情允服具結完案乃數日以後張姓有母老病身死張漢文聽人唆使竟敢藉屍圖訛聳令婦女多人到縣堅請詣驗並請拘陶姓懲辦哄鬧竟日勸諭不休查例無病死准驗之條律有誣告人命之禁如果革員辦事仍有操切又儘可按律懲辦乃僅傳張漢文到案責令領回婦女如有冤抑准予復控斯亦可謂和平之至者詎張漢文因訛索難遂回家翌日服毒身死維時自治紳士正以此案干預未能如願遂與波助瀾由巨紳領銜捏稱紳學二百四十餘人以塗銷印契連斃二命等詞電請撫憲查究革員因自問據理斷案毫無愧怍亦卽電稟贛省各憲請予先行撤任委員查辦以昭折服而示大公並將此案訊結詳情兩次通稟憲鑒當奉鈞批以合觀該令前後兩稟自係據理斷案尙無不合既經批府會委勘訊秉公斷結應卽聽候訊斷等因仰見憲台洞悉癥結明悉下情莫名欽感旋奉撫憲札委張守樹森到潯隨同九江文升道訊勘詳結張守因已委二套口稅務急欲赴差未能將此案原委詳晰研鞫率以模糊影響之詞摺陳了事經革員聞知復將張守摺陳各情逐一剖辨開摺呈請撫憲札飭新任九江道督同府縣訊結詳辦以

成言獻是革員之對於此案自始至終於被告則曲意容忍於層憲則委曲陳情總期和平了結乃爰書未定白簡先登昨於年終甄別案內乃蒙撫憲以辦事操切致釀命案奏參革職夫革員果有操切情事

事經革員聞知復將張守摺陳各情逐一剖辨開摺呈請撫憲札飭新任九江道督同府縣訊結詳辦以  
成言獻是革員之對於此案自始至終於被告則曲意容忍於督憲則委曲陳情總期和平了結乃爰書

未定白簡先登昨於年終甄別案內乃蒙撫憲以辦事操切致釀命案奏參革職夫革員果有操切情事  
則卽立置重典亦所甘心如以陶祠爭基一案而論案懸三月調停不下始行判斷判斷之時一造得錢  
一造得業既未科以罪名又非勒令完結違斷了案出自兩情允服似均不得謂之操切完案之後被告  
母病身死照例不得詣驗事與爭基本案無涉亦何得於此時肆意要挾而婦女在縣哄鬧竟日亦僅傳  
張漢文到案飭令領回未加薄責似更不得謂之操切地方官吏判斷案件祇能於法律中曲爲遷就不  
能於情理外過事防維張漢文於案結數日服毒身死實出情理之外無論有無別故皆非思慮所能及  
似皆不能歸咎於行政者有以釀之也况人孰無一死又何人不可以一死若不論法律不論情理一經  
自盡遂占優勝則張漢文以無賴少年既可以圖訛未遂而死黃姓亦可以退地不得而死陶姓亦可以  
爭地不得而死卽革員亦可以被參冤抑而死此皆非法律所許情理所有也以張漢文之死遂歸咎於  
辦事操切則州縣終日訊案隨在皆可危之境勢必一事不辦一案不訊而後可免坐斯病夫以近日江  
西政界已相率以辦事爲戒間有實心任事者又不加維持反令屈抑是驅牧令於泄沓促紳民於囂張  
大局陷危何堪設想革員區區一官誠不足較量輕重卽冤抑萬分亦不敢立求昭雪惟是非不明死不  
瞑目伏維大人總制三省以天下爲己任不忍使一夫失所革員在安徽則爲子民在江西則爲屬吏遭  
此黑暗奇冤例得據實申訴况當立憲時代尤以公理爲先其應如何俯賜昭雪之處出自恩施逾格至  
照例咨查則此時非所敢望請以俟諸異日冒死瀆陳仰祈大人俯賜鑒核量予施行實爲恩便肅稟恭

南洋五日官報  
請崇安伏乞垂鑒

署興化縣陳令廷英開辦勸業公所演說

自托辣斯發現於西歐世界商戰之說熾觀光團來游於東亞國人企業之念生蓋以生物不齊事業日新有競爭而後有比較有比較而後有激勸有激勸而後有進步此整齊利導太史公所以傳貨殖優勝劣敗赫胥黎所以論天演也興化治稱完善比棋以來籌辦新政一日千里如九牛引軛竭力推行如萬卉齊葩燦然明備瑤皇瑰麗耳目誠一新矣雖然此猶形式也有本質焉此猶皮膚也有骨肉焉本質者何骨肉者何則實業行政是也興邑雖稱完善而實業尙未萌芽欲激動社會之思潮引起人民之企望必先有組合之團體同意之機關始便於聚商而利用其督策公所之設爲行政一種機關迭奉道憲札催今幸如期成立尋繹章程愿貢鄙忱查札發公所章程調查共分五項甲農業乙工藝丙商務丁礦產戊郵傳興化係屬水鄉闔境並無礦質商務原係獨立早已設有分會無庸解說農業門第二條設問境內一切水利是否足資灌溉圩田堤岸有無卑薄滲漏應挑修培墊處所興邑水利題大綱有二一曰保壩一曰築圩邑境形同釜底地勢極爲低窪壩水東趨盡成澤國浮家泛宅貌是流離伐木徙薪無從呼救是興邑只有水害並無水利不患不足灌溉而患無法消除去秋慘遭巨浸河底猶未涸復各處圩埭宛在水中隄薄土單田低岸削倒塌滲漏在在堪虞迄今追思蓋由保壩之舉既已勢渙於先築圩一層

又復力解於後興邑所以只受水患而不見水利也公所既尊章設立應先研究此二問題鄙人一日在興此志決不稍懈當與在事諸君從長計議綢繆未雨匪異人任工藝門第一條設問製造土貨共有幾



又復力解於後與邑所以只受水患而不見水利也公所既尊章設立應先研究此一問題鄙人一日在  
興此志決不稍懈當與在事諸君從長計議綢繆未雨匪異人任工藝門第一條設問製造土貨共有幾  
種行銷若干第四條問境內有無工場第五條問有無工執傳習所查興邑十大圩之農民終歲胼手胝  
足所出只田內之穀稻十大鎮之商賈每日熙來攘往行銷盡外來之貨物如洋貨販自鎮江廣貨買自  
上海綢緞貿自蘇寧木殖運自武漢油勛躉之鹽城漆件購自揚郡每年金錢外溢約在九百七八十萬  
兩左右本境天然物品僅止一二人爲品如城東各塚之大藍小藍錠中堡庄之蒲包金城里之絲網北  
篷塚之蒲席四鄉戶之機方布西門外之蘆蓆以上土貨雖亦列名志乘而行銷轉覺寥寥者則以人工  
窳陋藝術弗良講勸無人傳習無所之故也境內秋成極早禾稼登場以後農民因無所事事轉至江南  
傭工拋室離家得不償失鄙人到任以來卽思設一極大工場已定名曰興工化民廠只以限於地址艱  
於經費遷延未定日歎於中公所既開當與在事諸君子共圖之郵傳門第二條設問河內能否行駛輪  
船其已行駛者航路長短若何第七條電線通至何處其未設電之地離通電處所若干里查輪船電線  
爲交通行政之要素實業猶骨肉輪電則血脈經絡也有實業而無輪船則轉運不捷有實業而無電線  
則消息不靈興邑港汊紛歧河流複雜五步一船十步一船隔雨阻風茫無把握往往有一二十里之程  
而阻隔至四五日者瞿塘灩澦此險彼夷前次大達公司雖曾行輪以田岸單薄河身淤淺有碍航線致  
廢半途電線一事高寶揚泰均已設立興化商業盛於各屬而電線反致闕如津滬各商訂貨歐美朝電  
夕達速於置郵興化寄信揚甯阻隔風雨較之倫敦紐約難易判以霄淵邑境西至高郵南至泰州多不

過九十餘里添接水線並不十分爲難公所既開則濬河以行輪添線以通電交通行政此爲樞機提倡推行責無旁貸以上犖犖諸大端皆按照詳定章程查酌興邑情勢略爲發揮者也慨自托辣斯之制行世界平準學一變其方針全球金融機關雖在內地亦宜知所比較去歲美之實業團奉其政府之命令觀光上國京滬甯粵力表歡迎全國視聽爲之一傾實業思想轉因之發生良以物彙夥頤岷之岿岿無以喻之則不明無以觸之則不動無以激勸之則莫知競進故太史公傳貨殖謂俗之漸民戶說以眇論終不能化善者因之其次利導之其次教誨之其次整齊之已於勸業之旨有所發明各國天演家言就物競天擇二義綜萬象之本原考動植之蕃耗多主張以任天爲治英儒赫胥黎氏起始盡變其說歸本於以人持天而極之以優勝劣敗於勸業之意尤多暗合究古今而察其變合中外而觀其通公所之開蓋椎輪之大輅也興境氣候溫和譬之歐州之有瑞士干戈不到亦猶海牙之於比利時至貨殖傳謂江淮以南無凍餓之人亦無千金之家興邑情形幾復相似誠能於章程所定農業工藝郵傳諸門加之研究設法進行官府提倡於上社會響應於下則以土廣人稀之美利堅天寒地瘠之德意志荒涼寂寞日本之北海道竭力經營均已富庶興化雖屬水鄉又何患不蒸蒸日上步武東西各國哉前途萬里來日方長屈達句萌此其囊鑰

以他殺其中毒量在砒一乃至〇一五瓦又砒酸毒性遜于亞砒酸多用之于亞尼林色

以他殺其中毒量在砒一乃至〇一五瓦又砒酸毒性遜于亞砒酸多用之于亞尼林色素之製造場中又砒化水素又亞砒酸之加里抱合物就中如荷烈氏砒石水其用頗廣其他如佩利設林及鹽酸中亦往往有混雜砒石者又砒石含有黃色素之類中有亞砒酸銅(又曰華綠青)二硫砒素(赤黃色鷄冠石)三硫化砒素(石黃)五硫化砒素(生黃又名雌黃)等皆係普通顏料爲畫家所必需或亦以之染衣服玩具糖食若此類因習用而中毒亦往往有之蓋砒之中毒雖由嚥下最多然亦有從他黏膜(口腔鼻腔)及皮膚或肺而輸入于體中者其嚥下之中毒症狀有二一曰毒性腸胃炎蓋砒石有腐蝕作用於嚥下毒物後半時間乃至數時間頸部灼熱搔癢隨所中毒物何如而吐出無色或有色之物質胃及全腹發劇痛口渴殊甚又突然下痢初痢時爲惡臭糞便後則變無色無臭之一種米泔汁且混合有許多上皮剝片之液恰如亞細亞虎列刺症狀尿量減少中混有蛋白質血液及纖維素圓柱常呼頭痛及薦骨部痛四肢痙攣冷汗浹身脈搏細小呼吸窘迫聲音嘶嘎胸膈煩悶常至二十乃至二十四時間即死死時神識甚清二曰腦脊髓性中毒症其主要症狀即發頭痛眩暈沈鬱譫語麻痺諸態自一二時間或十二時間後遂致全身麻痺而死故又謂麻痺性中毒症至其由漸吸收之中毒症狀綿



亘數日流涎嘔吐胃部劇痛不能進食脈搏呼吸亢進於顏面及生殖器發薺薇疹膿疹或蕁麻疹更陷于黃疸不眠知覺異常譫語失神等狀如是者四日乃至十日後始死又或因砒毒之局處刺戟性筋肉衰弱麻痺致呼吸血行障害或毒物妨碍代謝而誘起諸臟器之顆粒狀變性及脂肪變性腸黏膜血管大爲擴張神經系統之機能消失凡此諸症合見分見不能一定因毒物直接與工場藥品之間接及什物黏染有種種之不同又有因少量反復施用砒石以致中慢性砒石毒者蓋居寒帶及營業海中之人往往常食砒石且良家婦女因欲美容貌有密秘使用砒石水或砒化水素者此症漸次陷于貧血羸瘦毛爪脫落表皮斑剝屢生潰瘍終則筋肉震顫心思衰弱麻痺不眠而死總之砒石之發現因中毒症狀各有不同故現象亦不一在急性症因嘔吐下痢排出水分致全身羸瘦眼窩落凹皮膚帶藍色在腸胃腹膜下之血管內暗有濃黑血液充盈其中胃中含物恒混合一種黏稠膠樣血液胃黏膜亦爲之腫脹糜爛潮紅弛緩且多出血此症又以胃底及幽門部爲最著明然有時甚覺輕減者因砒石嚥下初期無腐蝕作用毒物早

相尋其胃中而然又胃中而爲有也素之砒石而中藥則胃中而後也其毒也  
相尋其胃中而然又胃中而爲有也素之砒石而中藥則胃中而後也其毒也

黃色而成流化質者以之殺于熱炭上則放如蒜之臭氣以顯微鏡觀之見有八面結晶

黃色而成硫化質者以之投于熱炭上則放如蒜之臭氣以顯微鏡觀之見有八面結晶  
卽肉眼亦有可見用手撫摩之並覺其觸於指頭其附近黏膜或有一部分爲壞疽狀小  
腸之黏膜則帶潮紅色且因漿液性之浸潤而腫脹弛緩孤腺叢腺及腸間膜腺皆腫脹  
大腸亦含有剝脫上皮與多量混合之膠液肝腎溷濁腫脹血液凝爲濃厚黑色若中毒  
症狀之經過稍久者於諸臟中惟心肝腎及小血管發生顆粒狀變性及脂肪變性又心  
肝之表面及其他之黏液膜往往見有血液至腦脊髓症則腸胃之發現甚輕微因毒物  
已經排泄內臟幾無變象而有檢查最要之機括則凡砒石中毒之死體水分必少故可  
用製砒化水素法以檢出之法先解剖死者之胃以水洗之置亞鉛於水素發生器注硫  
酸使發水素將洗下之水另置玻管使水素通過之而發出砒化水素乃於曲玻管頭點  
火生青白色之焰以磁盆薰之則留黑痕且光澤如鏡蓋砒化水素遇火則水素與空氣  
中酸素化合而砒素游離故留黑痕於磁盆也由此實驗卽可知死者之確有砒毒但以  
銻化水素試驗之亦有此現象惟銻素所留之黑痕無光澤又砒素之黑痕可溶解於漂  
白粉溶液而銻素黑痕遇之則不能溶解此其有可區別之處但欲辨其生前或死後所

輸入則必死體保存其體腔尙未開放時可以鑑別苟屍既腐爛體腔亦已開放則全身軟部卽皆崩潰如糜粥狀縱令毒之有無可辨而輸入之先後難明此際惟有收取死體周圍物質而更爲精密之檢查或可以得其端倪也

(六)鹽酸之中毒 鹽酸多使用於製造場中常有因誤用而自殺者凡酸類罕有由於他殺如或緣怨憾爭鬥而以之灑讐懟者之身體上則腐蝕廣部且大發痛苦此不獨鹽酸爲然凡酸類皆有此危險中毒之症狀也就鹽酸而言之觸於皮膚始猶潤濕後必漸次乾燥而爲革皮狀若嚥下此酸自口腔以至胃部發劇烈灼痛咽頭現假性的實扶的里之變化而帶白色之義膜樣物其吐物則爲褐綠色口中噓白色蒸氣大形苦悶冷汗交流脈搏細小疾速反復不堪次則陷於失神狀態忽以虛脫致命其中毒死量自四瓦乃至十瓦此症初發時聲音嘶啞呼吸困難次發窒息是因毒物竄入氣道之故在急性之中毒者不出一日卽死有稍延生活者由黏膜腫脹以至聲門水腫而亦死縱有能生活多日然於腐痂脫離後此部收縮而狹窄妨害營養物之攝取必終衰耗而殞命若其毒物由胃壁穿孔而經過腸胃之症狀雖消散必更發急性腹膜炎症狀且於尿中直排

毒物由胃壁穿孔而經過腸胃之症狀雖消散必更發急性腹膜炎症狀且於尿中直排



宿下關大觀樓晚望

籀園

疎星數點吐江樓爲嚼春寒手一甌射岸船燈初歷亂捲濤轟影併飛浮歌呼隔歲嬌鬢  
在世難如山片念收貪數過鴻向彭蠡此生哀樂託孤游

江上縱眺過采石磯作

江郭臥淫霖蝟縮罷尋賞桃杏拆春遲寒凝閉萬象真宰暫悔過溜以初月朗鶯燕稍翩  
翻歸船及一往捫腹眺江山千里暎草長崖陂錯金采倒浪洗文襪南控數郡縣其北極  
泱泱笑逐穿霄鷹共汝脫世網俄傾指危磯蠹如森柱礎吟魂飽蛟鼉戰壘環魍魎高棲  
形勝間終古了雙槳我生奚所營虧成存恍恍毛髮化羽翼甯學榆枋搶內剖磊塊胸擲  
空與決盪把椀揮衆靈聽濤轟甕盜

江行春望

岸護雲霞色江兼筑缶聲移舟牛背緩橫野雁行明晚春相醉支離世已輕孤吟對彭

澤述酒笑生平

宿九江湖海樓

燕燕舊巢痕樓空燭色昏晴湖猶可唾靈壑對忘言撼坐蛙聲急偷枝鵲尾翻應憐駭鈍  
極洗眼待朝暉